



## **Consilia Seu Responsa Juris**

**Schmalzgrueber, Franz**

**Augusta Vindelicorum & Ratisbonae, MDCCXL**

Cons. XXXVII. Beneficii Reservati. Deciditur, sede Apostolica vacante,  
exspirare Reservationem per Regulas Cancellariæ inductam, secus quæ  
inducitur per Concordata Germaniæ.

---

[urn:nbn:de:hbz:466:1-72304](#)



## CONSILIO XXXVII.

### In causa Collationis Beneficiorum tempore Sedis Apostolicæ vacantis.

#### S U M M A R I U M .

1. *Facti species.*
2. *seqq. Rationes, ex quibus beneficiorum reservatio videtur durare etiam Sede Apostolica vacante.*
3. *Regula Cancellaria exprimant morte Pontificis.*
4. *Reservatio beneficiorum, quam regula Cancellaria inducunt, tollitur, Sede Apostolica vacante:*
5. *Donec novus Pontifex eas denuo promulget.*
6. *Regulis Cancellaria promulgatis, reviviscunt reservationes beneficiorum, qua etiam vacant Sede Apostolica vacante.*
7. *Beneficia affecta Summo Pontifici per Concordata Germania, manent reservata, etiam Sede Apostolica vacante.*
8. *Verba legum ita accipienda sunt, ut aliquid operentur.*
9. *Pontifex conferre potest beneficia tempore sua assumptionis non provisa.*
10. *Concordata Germania sunt jus perpetuum, secus regulam Cancellariae.*
11. *Prosecutio prioris materia circa alias dignitates.*
12. *Episcopatus in Germania, Gallia, Hispania &c. non sunt reservati summo Pontifici.*
13. *Præpositura quadam in Germania à reservatione exempta.*
14. *Recensentur dignitates, quarum Collatio Sede Apostolica vacante potest esse dubia.*
15. *Ecclesia Parochiales, Sede Apostolica vacante, in Curia vacantes non sunt reservatae.*
16. *Quæ dispositio non debet extendi ad alia beneficia.*
17. *Ratio disparitatis inter Ecclesias Parochiales, & alia beneficia.*
18. *In Episcopatibus Germania sola confirmatio electionis est reservata.*
19. *Beneficia, qua per jus commune, aut Concordata reservantur, Sede Apostolica vacante non possunt ab Ordinariis conferri.*

#### FACTI SPECIES.



Empore, quo per obitum Sanctissimi Domini Nostri Innocentii Papæ XIII. beat. mem. vacavit Sede Apostolica, in quadam Ecclesia Italæ mense Papali vacavit Canonicatus aliquis, cuius collatio libera alias ad Episcopum loci de jure extra mentes Apostolicos pertinet; hunc Canonicatum contulit Episcopus certo Clerico, observatis omnibus, quæ alias in hujusmodi collationibus de jure communi ab Episcopis observari solent, & debent.

altefacto Summo Pont. ubi iste in favorem Conclavistarum, & pauperum Clericorum, aliorumque benemeritarum personarum provisioni, ac dispositioni sua reservat omnia, & singula beneficia, per regulas Cancellaria Apostolica, aut quilibet alias Apostolicas Constitutiones temporalis Romani Pontificis pro tempore existentis dispositioni quomodolibet, & ex quavis causa reservari solita, quæ à die obitū fel. record. Clementis XI. Prædecessoris sui, usque ad diem 8vam Maii ( quā ille ad Pontificatum assumptus est ) vacaverunt, & de quibus per quoscunque Ordinarios Collatores tunc dispositum non fuerat, seu NB. minus validè dispositum fuerat, quam regulam post assumptionem suam innovavit Sanctissimus Dominus noster Benedictus XIII. hodie gloriose regnans. atqui Canonicatum questionis clare constat reservatum esse Collationi Apostolicæ per regulam Cancellariae 9. de alternativa mensium. cùm ergo regulæ istæ constituant jus universale, ad omnes toto orbe summo Pontifici subjectos porrebetum, Canonicatus iste legitime, & validè ab Episcopo collatus non reputabitur. Neque dici potest, quid regulæ istæ ( prout alias communiter responderetur )

#### QUÆRITUR

*Ad quem pertinuerit collatio beneficiorum Sede Apostolica vacante?*

Rationem dubitahdi facit 1. regula Cancellariae 68. inter promulgatas ab R. P. Schmalzgrueber Consilia.

## 370 CONSILII XXXVII. BENEFICII RESERVATI

detur) per mortem Pontificis, qui eam promulgavit, exprimavit; nam

ad. Ut cum aliis advertunt

Mandos. ad reg. Cancell. 18. q. 6. Simonetta. de reserv. benef. q. 57. n. 4.

Garc. de benef. p. 5. c. 1. f. 11. n. 646.

hoc intelligendum est cum exceptione, nisi forte Papa de novo electus declareret, non exprimasse reservationem sui Praedecessoris, aut beneficia hujusmodi de novo ipse reservet, prout aliquando fit in favorem Conclavistarum; tunc enim provisio, facta ab Ordinario post istam declarationem, de beneficiis, quae vacarunt, Sede Apostolica vacante, in mensibus alias reservatis non valeret: imo, ut iidem DD. notant, etiam non valebit ante declarationem, si in ista Papa derogat iuri quæsito, & regulæ de non tollendo jure quæsito, ac decernat per talen provisionem jus quæstum non fuisse proviso, prout testibus Simonetta, & Garcia l. citr. fecit Paulus V. in Bulla ad favorem Conclavistarum data Calend. Aug. 1605. nam ex ista mente Summi Pontificis, quam hoc modo exprimit, judicabitur regulas Praedecessoris sui fecisse suas, ut proinde hujus morte nequam extinguantur: quæ regula cum, prout allegatus Simonetta l. cit. notat, hodie fiat ab omnibus Pont. sequitur, nullam reservationem morte extingui. Quodipsum

4. 3. Confirmatur paritate cum reservatis per Concordata Germaniae, quæ si vacent in Germania, & ubi Concordata hæc vigent, tempore Sedis Pontificiæ vacantis, conferri ab Ordinariis nequeunt, sed expectari debet, donec novus Pontifex de illis disponat. Et hinc cum non ita pridem Episcopus Olomucensis contulisset aliquem Canonicatum, qui mense Apostolico, Sede Romana vacante, vacaverat, non aliter apud Sanctissimum postea electum excusatavit hoc suum factum, quæm confitendo, quod per errorem hoc fecerit, quem errorem cum idem Pontifex innocentem esse agnosceret, ipse evundem Canonicatum eidem, qui de illo à prædicto Episcopo ita provisus erat, de novo contulit. Imo licet post mortem Sancti mem. Pontificis Innocentii XIII. in Ecclesiis S. Mariæ Majoris, & S. Joannis in Laterano aliquot Canonicatus, & beneficia vacaverint, non tamen ausi sunt Eminentissimi DD. Cardinales, qui Ecclesiis illis præsunt, dictos Canonicatus, & Præbendas, seu beneficia conferre, quippe qui reservati sunt Collationi Pontificiæ per regulam Cancellariæ evam. & præsentem evam.

5. Verum his non obstantibus, DICENDUM, quod in casu præsenti Episcopus Canonicatum, tempore Sedis Apostolicae vacantis, mense Papali vacantem, validè & recte contulerit. Ratio est, quia regulæ Cancellariæ non faciunt jus perpet-

tuum, sed morte cuiuslibet Papæ, illas promulgantis, jus per eas introductum expirat, donec à recens electo Pontifice de novo promulgentur.

Simonetta de reservat. q. 58.

Ethinc, Sede Papali vacante, beneficia, vi earum alias reservata, si Sede Apostolica vacante vacent, Episcopi liberè conferre possunt ordinaria sua potestate, quæ per mortem Pontificis vinculo reservationis soluta est.

Gonzal. ad Reg. Cancell. 8. gloss. 12. n. 1. Chockier præm. ad Reg. Cancell. n. 21. v. unde insertur. Leuren. p. 2. for. benef. q. 539. n. 3.

Quod ipsum etiam extenditur ad beneficia, quæ mense Papali vacant; nam etiam ita ( nisi per Concordata Germania, aut alia ratione sint affecta summo Pontifici ) conferre Episcopos, Sede Apostolica vacante potest, cum tali tempore omnes menses fiant Ordinarii, & reservatione, quam regulæ Cancellariæ induxerunt, sublatâ, redeatur ad jus commune, ex cujus tenore Ordinarius illa conferre poterat.

Caputquensi. p. 1. decis. 86. & p. 2. decis. 214. Germon. de indul. Cardi. §. quod tamen Romanam. n. 99. & 100. Zerol. prax. Episc. p. 2. V. beneficium. §. 1. Flores de Mena q. 4. n. 51. Gonzal. ad Reg. 8. Cancell. §. 5. præm. n. 46. Garc. p. 5. de benef. c. 1. n. 645.

Durat autem potestas ita conferendebeneficia, Sede Papali vacante, vacantia in Episcopis, usque dum novus Pontifex regulas Cancellariæ denuo faciendo, & promulgando ( quod ordinarii fieri solet die assumptionem ipsius subsequente ) talia beneficia sibi rursum reservet, ita quidem, ut si medio illo tempore ab assumptione usque ad editionem regularum vacaret aliquod beneficium in mensibus alias reservatis, nullum obstaculum Ordinarius habere dicatur,

ut notat Geminian. conf. 93. n. 1. Gonzal. n. 46. cit. Chockier n. 21. & v. cit. sique decisum fuit in Abulensi Parochialis de la Calzada 28. Januar. 1594.

Postquam vero Pontifex noviter electus Cancellariæ regulas post assumptionem suam iterum promulgavit, & reservationem denuo fecit, sic reservata non amplius conferre Episcopus poterit, licet vacaverint, Sede Apostolica vacante, sed sibi imputare debet Episcopus, quod illa non ante contulerit.

Chockier præm. ad Reg. Cancell. l. cit. Wagnereck. de præbend. & Reg. Cancell. Plettenberg notit. Congreg. & Tribun. Cur. Rom. c. 11. n. 9.

qui proinde ibidem ad Reg. Canc. 68. monet, invigilandum Ordinariis Collatoribus, ut beneficia, jure communi ad suam collationem spectantia, si Sede Pontificia vacante

vacent, maturè conferant, priusquam, electo novo Pontifice, regule Cancellariæ, & per eas reservationes beneficiorum revivificant.

9. Addidi. num. 6. *Nisi per Concordata Germania, aut alia ratione sint affecta summo Pontificis tunc enim, cum Concordata hæc, & alias Constitutiones, quibus reservationes beneficiorum inductæ sunt, faciant jus perpetuum, reservatio hæc manebit etiam, Sede Romana vacante, & exspectanda erit electio novi Pontificis.* Eadem ex ratione etiam dicendum, quod Pontifex per has suas regulas nolit derogare Concordatisdem, & Ordinariis, vel Capitulis Cathedralibus, vel aliis, habentibus jus alternativæ, adimere jus alternativæ respectu beneficiorum, Sede Pontificali vacante, vacanti, quin conferre illa hoc tempore pro jure suo possint, quippe cum iadere hæc Concordata, per reservationem regulis Cancellariæ factam, non intendat, quantum est ex sua parte, ut vide- se est.

in Constit. Nicolai V. Clementis VII. 46. & Gregorii XIII. 42. Cassador. decif. un. de past. Simonett. de reserv. q. 1. à n. 3. & q. 99. à n. 4. Branden tract. de Concord. Germ. Garc. c. 1. cit. n. 641.

ubi idem notat de Concordatis Galliæ per Const. Leonis X. 16.

10. Neque obstant rationes dubitandi à num. 2. & duobus seqq. allata. Ad 1. dico, regulas Cancellariæ constituere quidem jus universale, ad omnes, qui specialiter non eximuntur, per totum Christianum orbem fideles porrectum, non tamet perpetuum, quippe quod juxta dicta num. 5. morte Pontificis eas promulgantis, etiam quoad alternativam mensum per eas inductam, vi num. 6. extinguitur, & ita per num. 7. libet tam potestatem per jus commune Episcopis, & aliis beneficiorum Collatoribus Romano Pontifice inferioribus competentem reddit, usque dum per novum Pontificem denuo promulgetur, quo facto tum demum juxta num. 8. potestas ista in Episcopis, & aliis Collatoribus cessat: quod clare innunt verba num. 2. allegata, ibi, *De quibus per quosunque ordinarios Collatores tunc dispositum non fuerat, ex quibus manifestè inferrur, potuisse istos medio tempore, quod à morte Prædecessoris usque ad assumptionem novi Pontificis intercessit, Collationes hujusmodi facere.* Difficultatem faciunt verba, quæ post supra allegata immediate consequuntur, seu minus valide dispositum fuerat: quæ verba videntur significare, quod ordinarii Collatores de beneficiis quibuscumque, etiam per regulas Cancellariæ tantum reservatis, minus validè disponant. Sed applicanda hic est regula, quæ tit. de verb. signif. à DD. communiter ponitur, juxta quam verba legum,

R. P. Schmalzgrueber Consilia,

& cujuscunque alterius dispositionis ita accipienda sunt, ut aliquid operentur, nec sint superflua  
can. hæc autem 17. de Pænitent. dist. 1. c.  
relatum 4. de Cler. non resid. l. hoc editum  
1. s. hæc autem 2. ff. quod quisq. jur. &c.  
atqui, si regula ista omnem omnino potestatem conferendi beneficia, etiam per regulas Cancellariæ solas reservata, adimeret ordinariis Collatoribus, si Sede Pontificia vacante videntur, necessariò abundant verba, de quibus tunc dispositum non fuerat, & sufficeret dicere, de quibus per ordinarios Collatores minus validè dispositum fuerat. Igitur dicendum videtur, quod sensus regulæ sit, ut pro reservatis habeantur illa beneficia per hanc regulam, de quibus ordinarii Collatores alias tempore vacantis Sedis Pontificia disponere poterant, & disponere neglexerunt, vel disponuerunt quidem, sed ob vitium aliud interveniens minus validè, cum idem ex communi juris axiomatica sit, non fieri validè, & omnino non fieri, in qua explicatione tollitur omnis verborum superfluitas, & simul retinetur communis doctrina, per quam juxta haec tenus dicta morte Pontificis aperitur ordinarii Collatoribus potestas conferendi beneficia, per regulas Cancellariæ reservata, quamdiu Sedes Papalis vacat.

Ad 2. dum ut Garcias n. 646. allegato notat, Paulus V. in Bulla ibi allegata solum loquitur de beneficiis tempore suæ assumptionis non provisis. igitur jam provisorum ab Ordinariis factam Collationem cassare, & irritare noluit. Manebit igitur potestas ista penes ordinarios Collatores, ut beneficia, quæ ita Sede Pontificia vacante videntur, & per solas regulas Cancellariæ reservata sunt, conferre validè possint, usque dum novus Pontifex easdem regulas denuo promulget, & iisdem viriis restituat, quippe quam potestatem Rota apud Garc. l. cit. n. 647. aperit tri-buit, ubi

Verallus decif. 307. libr. 1. in manuscrip-tis  
inquit, cessante regulâ reservatoria per obitum Papa, nullos esse menses Apostolicos, cum de jure collatio beneficiorum, in quolibet mense vacantium, spectet ad Ordinarium.

Ita Verallus in cit. Astoricensi Canonica-tus coram August. 1. Dec. 1554. quæ, ut l. cit. advertit Garcias, est eadem cau-sa, de qua decif. 214. in impressis.

Confirmat hoc laudatus Garc. n. 648. seq. ex Bulla S. Pi V. edita super confirmatione, & revalidatione indulti, quod concessum habuit Dux Albanus pro præsentatione ad beneficia Pontifici reservata, ubi dictus Sanctissimus Papa declarat, Indultum hoc non extendi ad beneficia, de quibus ipsi Ordinarii sua ordinaria authoritate providere pos-sunt, possunt autem secundum dicta pro-videre ordinaria authoritate de beneficiis,

(Aaa 2)

per

per Regulas Cancellariæ reservatis, Sede Papali vacante vacantibus, cùm Regulæ istæ eo tempore vim juris non habeant, ergo &c. Quare dicendum, quod post mortem summi Pontificis reservata solum maneat 1. illa Beneficia, quæ jure communni, vel alia Constitutione perpetuâ reservata sunt. 2. Quæ reservantur per Concordata Germaniæ, Galliæ &c. nam & hæc Concordata jus perpetuum constituunt. 3. Quæ reservantur per regulas Cancellariæ, sed ante obitum Pontificis jam vacaverunt & sic affecta jam erant reservatione, quæ proinde etiam post obitum illius manet. 4. Quæ vacaverunt quidem post obitum Papæ, sed ab ordinariis Collatoribus usque ad assumptionem Pontificis novi, & regulas Cancellariæ ab hoc promulgatas collata non sunt; nam ipsa promulgatione regularum affici incipiunt reservatione per eas prodita. Denique 5. si, ut in hac 2da ratione dubitandi dictum est, novus Pontifex deroget iuri quæsito, & regulæ de non tollendo jure quæsito, declaratque reservationem à Prædecessore factam non exspirasse, reservata manebunt Beneficia etiam ab ordinario Collatore Sede vacante provisa, quippe cùm per ejusmodi derogationem jus quæsitorum tollatur ita proviso, & sic Beneficium ad statum vacaturæ redeat. Quia tamen defacto Pontifices hujusmodi derogationem expressam non faciunt, ut videre est in regulis paßim edi solitis, idcirco dicendum, nisi manifestius Pontifex mentem suam declaret, non ligari manus ordinario Collatori, qui hujusmodi Beneficia, Sede Pontificia vacante vacanta, valide conferre valeat.

12. Ad 3rum. Negatur paritas inter Beneficia reservata per solas regulas Cancellariæ, & inter reservata per Concordata Germaniæ; nam Concordata, ut num. præ. monui, constituunt jus perpetuum, quod proinde etiam Sede vacante durat, quale jus non constituunt Regulæ Cancellariæ: ut proinde mirum non sit reservationem per Concordata inductam durare etiam post mortem Pontificis, cessare autem illam, quæ per Regulas Cancellariæ est prodita. Hinc recte fecit Episcopus Olomucensis, dum errorem suum agnovit; nam quando, Sede Papali vacante, in Mense Apostolico vacantem Canoniciatum contulit, egit contra Concordata, quibus pro Germania inducta est alternativa mensura. Ad id, quod additur de Beneficiis, & Canoniciis, Sede Romana vacante vacantibus in Basilica Principis Apostolorum, & Ecclesiis S. Mariæ majoris, & S. Joannis in Laterano, iterum negatur paritas; nam in his Ecclesiis Pontifex Beneficia, & Canoniciatus confert non iure reservationis, sed ordinario, tanquam Episcopus Romanus,

ut notat Plettenberg ad Reg. Canc. 8. not. 1. cui consentiunt Palao tract. 13. D. 2. p. 16. n. 9. Barbos. in §. de Præ. in 6. n. 14. Passerin. in c. 2. eod. n. 13. Leuren. p. 2. for. Benef. q. 534. n. 9.

ut proinde sicut Beneficia, quorum libera collatio ad Episcopum solum pertinet, Sede Episcopali vacante, reservantur Successori, ita ut Capitulum se horum collationi immiscere nequeat.

c. illa 2. ne sed. vacant. aliq. innov. c. un. eod. in 6. c. eti 1. de Inst. in 6.

ita meritò Pontifici futuro reserventur Beneficia, quæ Sede Papali vacante, in dictis Ecclesiis vacant. Si queras, quare non etiam Beneficia in Ecclesiis S. Pauli, & S. Laurentii extra muros reserventur, cùm tamen etiam ipsæ censeantur primaria, & quasi Cathedrales, respondet Glossator, ideo non reservati; quia sunt Ecclesia Monachorum, non secularium. Constat autem, quod Beneficia regularia in odiosis, qualis est reservatio, non censeantur comprehensa, nisi exprimantur.

Gonzal. ad Reg. 8. Canc. Gloss. 8. n. 11. Barbos. de Offic. Episc. alleg. 57. n. 29. Leuren. p. 2. cit. q. 534. n. 5.

Si petas disparitatem inter Beneficia dictarum trium Ecclesiæ, & inter illa, quæ subsunt titulis Cardinalium, dico, in hoc esse differentiam; quia in Ecclesiis suis tituli Cardinales Beneficia conferunt jure ordinario, quippe qui in istis Ecclesiis jurisdictionem quasi Episcopalem exercent; hac autem jurisdictione carent Cardinales, qui in dictis tribus Ecclesiis dignitates obtinent, ex qua causa nec Sede Papali plenâ jure ordinario potestatem conferendi Beneficia in his tribus Ecclesiis habent: unde etiam ipsis non prodest, quod alias S. R. E. Cardinales reservationibus per Regulas Cancellariæ proditis non comprehendantur; nam regulæ istæ potestatem conferendi Beneficia, de jure communis competentem supponunt, quam reservatione sua restringunt. Ubi autem potestas ista non adit, restringi non potest.

## Appendix ad præcedens Consilium.

Dicitum est in Consilio præcedente de Beneficiis vacantibus, Sede Apostolica vacante, reservatis per regulas Cancellariæ, maxime 68. vam ubi Pontifex dispositioni sua omnia, & singula Beneficia, per regulas Cancellariæ Apostolicæ, aut quilibet alias Apostolicas Constitutiones temporales Romani Pontificis reservari solita, de quibus per ordinarios Collatores tempore Sedis Apostolicae vacantis aut omnino non, aut minus validè dispositum fuerat, re-

servare solet in favorem conclaveistarum & aliarū bene meritarum personarum. Præter hujusmodi Beneficia, per Regulas Cancellariae tantum reservata, sub proximo interregno, post mortem sanctissimi D.N. Innocentii XIII. vacarunt etiam aliqui Episcopatus, & Archiepiscopatus, itē dignitates maiores, & alia Beneficia, quæ non solum per Regulas Cancellariae, sed etiam per jus commune, aut perspecialia Concordata reservata sunt summo Pontifici.

Quæstio proinde est, an Sede Apostolica vacante, hujusmodi Beneficia, ita jure communi, vel speciali Concordatorum reservata, si eadem Sede vacante, videntur conferri per eos possint, qui alias jure ordinario illa conferre, ante reservationem istorum factam, potuerunt? Difficultas esse non potest de Archiepiscopatibus, & Episcopatibus Germaniae; nam in hac ad Ecclesias Episcopales, & Archiepiscopales, quo cunque tempore, consequenter etiam si Sede Papali vacante vacaverint, per Concordata §. item placet Capitularibus libera permittitur electio, proinde in his omnis reservatio cessat, nisi quoad Confirmationem electionis à Capitularibus facte, quam solam sibi Pontifex in iisdem Concordatis reservat. Idem dicendum de Archiepiscopatibus, & Episcopatibus Gallie propter Concordata, & jus regale, quo Rex ad has Ecclesias, si videntur, nominationem summo Pontifici facit. Tale etiam jus, teste Chockier ad Reg. 2. Cancell. n. 17. habent Reges Hispan. nec non alii Reges, & Principes, quorum nominatio à curia Romana agnoscitur esse legitima, cum quotidie videamus ab ipsis præsentationes ejusmodi fieri, & si sint de subiecto idoneo, easdem à Pontifice recipi, & acceptari.

Similiter etiam non procedit proposita quæstio de proximis Episcopali in Cathedralibus, & primis dignitatibus in Collegiatis Ecclesias, si per speciale privilegium, aut Concordata sunt electiva, vel ad nominationem Regum, & Principum spectent; licet enim dignitates istæ per Concordata Germaniae summo Pontifici universum reserventur §. de ceteris; tamen nonnullæ existunt, quæ ab hac reservatione eximuntur, uti est 1. præpositura Cathedralis Ecclesie Augustanae ex Indulso Alexandri VI. 2. Præpositura Monasteriensis Westphaliae ex privilegio concessio per Paulum V. 1618. 3 Elvaciensis, quæ, cum adhuc regularis esset, electiva fuit, & talis etiam nunc, postquam in seculariem transiit, Sede Apostolica indulgente, manet. 4. Præpositura omnes tum Cathedralis, tum Collegiarum Ecclesiarum civitatis, & Diocesis Leodiensis, quæ electivæ sunt vigore Concordatorum, & Indulctorum Eugenii IV. & aliorum summorum Pontificum. quæ Indulta confirmavit Urbanus VIII. Const. incipit, Clerum Leodiensem, edita Calend. April.

1626. 5. Præposituræ, seu dignitates primæ Ecclesiarum Bavariae extra civitates Episcopales, quæ vigore juris, sive Privilegii specialis conferuntur ad nominationem Serenissimorum Ducum, & Eleitorum illius Provincie: consequenter in his dignitatibus, & præposituris nulla est reservatio, quæ Sede Papali vacante, cessare possit, & aliis Collatoribus locum dare.

Solum ergo sub quæstionem num. 14. 16. propositam venient 1. Ecclesiæ Archiepiscopales, & Episcopales extra Germaniam, sive status.

& illas Provincias, ac Regna, ubi reservatio, & jus per eam Pontifici competens per specialia privilegia, & Concordata temperatum non est. 2. Dignitates proximæ Episcopali in Ecclesiæ Cathedralibus, & primæ in Collegiatis, quæ de jure communi electivæ essent, sed per Germaniæ Concordata reservata sunt summo Pontifici, ut habetur §. de ceteris ibid. 3. Dignitates, & Beneficia eorum, qui auctoritate Apostolica promoti sunt ad Patriarchales, & Episcopales Ecclesias, vel etiam dignitatem majorem, quæ reservantur Sedi Apostolicae

per Extrav. ad Regimen 13. de Præb. & Concordata Germania §. placet nobis.

4. Ecclesiæ, & Beneficia vacanta per obitum S. R. E. Cardinalium, Legatorum, & aliorum Sedis Apostolicae Officialium, quorum reservatio facta est

per cit. Extrav. & Concord. dict. §. placet.

5. Vacanta per depositionem, privationem, translationem, electionis, aut postulationis cassationem, muneres renuntiationem, Sedis Apostolicae auctoritate factam: quæ reservata inveniuntur

Extrav. & Concord. §. placet. cit.

6. Beneficia, & dignitates quæcunque, etiam Episcopales & Archiepiscopales, licet alias per electionem, vel alium quemvis modum conferri sint solita, si apud Sedi Apostolica vacaverint; quorum reservatio tum jure antiquiori, tum per extravagantes, & jus recentius Concordatorum Germaniae inducta est.

De his ergo quæritur, utrum illa, si Sede Apostolica vacante vacaverint, non obstante hac reservatione perpetua, per jus commune, vel Concordata Germaniae inducta, ab ordinariis Collatoribus conferri, vel si electiva alias essent, per electionem provideri possint? Videtur respondendum affirmativè

per arg. c. si Apostolica 35. de Prabend. & Dignit. in. 6.

ubi in casum, quo Apostolica Sede vacante, alias Parochiales Ecclesias vacare contigerit apud ipsam, quia scilicet talis Parochus, qui Ecclesiam ejusmodi obtinebat, in curia decessit, & obiit, statuitur, ut de eis per eos, ad quos pertinet, possit libere ordinari. 17. igitur à pari hoc ipsum fieri poterit circa a-

(Aaa 3) lia

lia Beneficia, & dignitaires per eorum ordinarios Collatores, vel Electores, si vacaverint in curia, vacante Sede Papali: præfertim cum paritas rationis videatur urgere; nam in c. cit. hæc ratio hujus Pontificæ dispositionis datur, ne ipsarum, scilicet Ecclesiarum Parochialium, vacatio diuinapericuum valeat animabus afferre: quæ ratio videtur pugnare præsertim in Episcopatis, & Archiepiscopatis, aliisque administrationem, vel jurisdictionem spiritualem habentibus, ut proinde, si Sede Apostolica vacante videntur, locus videatur aperiri Electoribus Canonis, ut idoneum subjectum ad Ecclesiam ita vacantem per electionem assumere, & Archiepiscopus, ad quem antiquo jure hoc pertinebat, electionem sic factam confirmare possit. Et esto, quod ratio in c. cit. data non ubique procedat, præsertim in Beneficiis simplicibus, quæ sine periculo animalium etiam diutius vacare possunt, tamen, cum reservatio, utpote jus antiquum restringens, odiosa sit, non videtur rejici posse argumentum à Parochialibus ad alia Beneficia.

**18.** Verum ex c. cit. ut bene advertit ibidem Glossa in cas. not. 1. ab Ecclesiis Parochialibus ad alia Beneficia Ecclesiastica, si & ipsa vacent in curia, consequenter reservatio subjaceant, non bene ducitur argumentum; nam quod Ordinarii conferre Ecclesiis Parochiales, etiam si vacaverint in curia, Apostolica Sede vacante, non obstante c. licet 2. de prab. in 6. quo reservatio sic vacantium inducta est, possint, speciale est in Ecclesiis Parochialibus: consequenter in aliis Beneficiis Ecclesiasticis jus commune servatur, sive reservatio illorum, etiam Sede Papali vacante, manet, cum juxta tritum illud, exceptio fieri regulam in casibus non exceptis. Quod verum esse eadem Glossa, ibid. in addit. dicit, licet eadem ratio possit urgere in aliis Ecclesiis curatis non Parochialibus; nam de tractio juris veteris in his locum non habet.

**19.** Et revera magna inter Parochiales Ecclesiis, & cetera Beneficia reservata disparitas est; nam Parochii plerumque unus tantum Presbyter cum cura præstet, ut adeò necessariò pati debeant animæ, si talis Ecclesia Parochialis tamdiu vacans relinquatur. Tale periculum non est in aliis Beneficiis, & dignitatibus. Vel enim simplicia tantum sunt Beneficia sine cura, & administratione; & tunc periculum animalium omnino cessat, cum tali Beneficio provisus non habeat animas curæ suæ concretas: vel contrà sunt dignitas cum cura, administratione, & jurisdictione spirituali, ut est Episcopatus tali casu, cum Sede Episcopali vacante, gubernatio Diœcesis, & jurisdictione Episcopalis necessaria ipso jure transeat ad Capitulum, per

hujus Vicarium, per quem dictam jurisdictionem exercet, expediti potest, quid expediri deberet ab Episcopo. Idem dicendum de Ecclesiis Collegiatis, mortuo illo, qui primam dignitatem, e. g. propofitaram in ea obtinebat; nam in his similiter administratio tali casu devolvitur ad Capitulum talis Ecclesie, & si hoc rem suam non faciat, defecetus suppleri ab Episcopo, in cuius Diœcesi Ecclesia illa sita est, potest.

In Episcopatis Germanie Pontifici 20, solum reservata est confirmatio electionis, à Canonicis factæ, quæ sine periculo animalium, Sede Papali vacante, usque dum novus Pontifex eligatur, exspectari potest, cum in hac, sicut etiam in aliis locis, valde remotis, ita ut confirmatio intra breve tempus peti, & obtineri nequeat, concordantibus votis, h. e. per majora Capitularium vota Electi Episcopatum, aut Prælaturam statim tam in spiritualibus, quam in temporalibus, sola alienatione excepta, administrare possint, prout statuitur

c. nihil 44. §. caterum de Election, ubi vero electus jurisdictionis, vel administrationis exercitio se immiscere non potest, ibi suppleri vices illius quoad administrationem possunt per Capitulum, & hujus Vicarium Generalem. Et licet iste Confirmationis Sacramentum, & Ordines impetrari nequeat, nisi simul sit Episcopus, tamen, Sede Episcopali vacante, hoc fieri potest per Vicarium in Pontificalibus, qualem plerique Episcopi Germanie habent, & vocari suffraganei illorum solent, vel si talis non adsit, advocati pro Sacramento Confirmationis, & Ordinibus conferendis Episcopus potest ex vicina Diœcesi, aut ordinandi ad hunc dimitti.

Quare dicendum, reliqua Beneficia, 21, dignitates, perioratus &c. quæ in corpore juris communis, aut per extravagantes, dubium vel per specialia Concordata summo Pontifici, reservata sunt, Sede Papali vacante, ab ordinariis Collatoribus, quibus, antequam reservatio facta est, provisio horum Beneficiorum competebat, conferti non posse, cum in possessione sit reservatio, quippe quæ, si per Constitutionem perpetuam facta sit, perpetua est, tamdiu manet, etiam Sede Papali vacante, quamdiu sublata, aut temporata fuisse non ostenditur; in quo hujusmodi reservations, per Constitutionem perpetuam factæ, differunt ab iis, quæ factæ sunt per regulas Cancellariæ, quæ Sede vacante vim amittunt, & consequenter, Beneficia vacantia Sede illa vacante, ad statum antiquum redeunt, donec regulæ illæ per novum Pontificem resurgentur.

CON-